

Na osnovu člana 32. Zakona o javnim nabavkama („Službeni glasnik BiH“, broj:39/14), a nakon provedenog otvorenog postupka, te na osnovu Odluke o izboru najpovoljnijeg ponuđača, broj: 11/01-14-39402.5/18/19 od 25.1.2019. godine kojom se prihvata ponuda ponuđača „CENTROTRANS EUROLINES“ d.d. Sarajevo kao najpovoljnija, zaključuje se:

**OKVIRNI SPORAZUM O NABAVCI USLUGA PREVOZA UČENIKA DRUGIH RAZREDA
SRENIH ŠKOLA NA RELACIJI SARAJEVO – „Memorijalni centar“ Potočari
SREBRENICA – SARAJEVO**

Zaključen dana, 12.2. 2019. godine u Sarajevu između:

1. Ministarstvo za obrazovanje, nauku i mlade Kantona Sarajevo, ul. Reisa Džemaludina Čauševića br. 1, ID broj: 4200666870003 koga zastupa i predstavlja ministrica Mr. Zineta Bogunić (u daljem tekstu: Ugovorni organ) i
2. „CENTROTRANS EUROLINES“ d.d. Sarajevo, ulica Kurta Schorka 14, IDB 4200153220003 kojeg zastupa direktor mr.sci. Safudin Čengić (u daljem tekstu: Izvršilac).

UVOD

Okvirni sporazum se zaključuje na osnovu Odluke o izboru najpovoljnijeg ponuđača broj: 11/01-14-39402.5/18/19 od 25.1.2019. godine, kojom je odabran najpovoljniji ponuđač u provedenom postupku javne nabavke.

I - PREDMET OKVIRNOG SPORAZUMA

Član 1.

Predmet ovog Okvirnog sporazuma je pružanje usluge – Prevoz učenika drugih razreda srednjih škola na relaciji Sarajevo – „Memorijalni centar“ Potočari Srebrenica – Sarajevo, a u svemu prema prihvaćenoj Ponudi Izvršioca od 10.1.2019. godine, koja čini sastavni dio ovog Okvirnog sporazuma. Ovim Okvirnim sporazumom ugovorne strane su saglasne da mogu tokom cijelog ugovornog perioda zaključivati ugovore iz oblasti za koje je proveden otvoreni postupak javne nabavke.

Član 2.

Ugovorni organ naručuje predmetnu uslugu, a Izvršilac prihvata da vrši uslugu, na osnovu provedenog otvorenog postupka javne nabavke i Odluke Ugovornog organa o izboru najpovoljnijeg ponuđača.

Član 3.

Ugovorni organ i Izvršilac su saglasni da Okvirni sporazum realizuju prema već definisanim uslovima u Obavještenju o javnoj nabavci putem otvorenog postupka i prema tenderskoj dokumentaciji za ugovor o pružanju usluga i to:

- Ugovorni organ prema zahtjevima u Obavještenju i Tenderskoj dokumentaciji
- Izvršilac prema dostavljenoj ponudi i dokumentaciji sa preciziranim ponuđenim uslovima u prijavi na otvoreni poziv.

Član 4.

Ugovorni organ imenuje Lamiju Husić, pomoćnika ministra za srednje obrazovanje i obrazovanje odraslih, kao osobu koja je zadužena za kontaktiranje sa predstavnicima Izvršioca, odnosno potpisivanje eventualnih zapisnika.

II – UGOVOR, CIJENA I NAČIN PLAĆANJA

Član 5.

Na osnovu Okvirnog sporazuma ugovorne strane će zaključiti pojedinačne ugovore sa rokom važnosti ukupno do važnosti Okvirnog sporazuma, zavisno od interesa ugovornih strana, a pod uslovima utvrđenim u Obavještenju o javnoj nabavci i tenderskom dokumentacijom.

Za svaki pojedinačni ugovor Izvršilac je dužan dostaviti garanciju za uredno izvršenje ugovora u roku od 7 dana od dana zaključivanja/obostranog potpisivanja ugovora.

Član 6.

U obim usluga iz člana 2. Ovog Okvirnog sporazuma podrazumjevaju se usluge po prihvaćenim cijenama (Prema specifikaciji iz Obrasca za cijenu ponude i prihvaćenoj ponudi).

Ugovorni organ zadržava pravo potpuno ili djelimične realizacije nabavke predmetnih usluga. Ovaj Okvirni sporazum ne predstavlja obavezu Ugovornom organu. Obaveza nastaje tek kada se zaključi pojedinačni ugovor o pružanju usluga nabavke prevoza u skladu sa uslovima iz Tenderske dokumentacije Ugovornog organa, te shodno potrebama Ugovornog organa.

Ukupna vrijednost Okvirnog sporazuma iznosi 64.932,00 KM bez PDV-a.

Član 7.

Izvršilac se obavezuje:

da će učenike sigurno, udobno i u tačno dogovoreno vrijeme prevesti iz polaznog do odredišnog mjesta po određenim terminima,

- da će odgovarati za zakašnjenja u prevozu, prekid ili neizvršenje prevoza;
- da u toku obavljanja ugovorenih obaveza mora da ima polisu osiguranja putnika;
- ukoliko u toku obavljanja ugovorenih obaveza dođe do kvara autobusa prilikom prijevoza djece, Izvršilac se obavezuje u najkraćem mogućem roku poslati zamjenski autobus koji će djecu prevesti do odredišta. Ukoliko dođe do promjene vozila za koje je Izvršilac dostavio podatke u ponudi, isti je dužan dostaviti Ugovornom organu podatke o novom vozilu koje angažira, sve dokaze tražene dokumentacijom za javnu nabavku;
- ako kod Izvršioca, u toku obavljanja ugovorenih obaveza dođe do potrebe zamjene vozača za koje je dostavio podatke u ponudi tj. potrebe angažovanja drugog vozača autobusa za prijevoz djece, isti je dužan angažovati vozača za kojeg posjeduje sve dokaze tražene dokumentacijom za javnu nabavku.
- ukoliko se tokom važenja ugovora ukaže potreba za promjenom vremena polaska o istom će obavjestiti Izvršilac te se Izvršilac obavezuje prilagoditi novom polasku u skladu sa ugovorenim brojem dovoza i odvoza po pojedinim relacijama.

Izvršilac se obavezuje da usluge fakturiše u ugovorenim rokovima, na osnovu relevantnih dokumenata potvrđenih od strane Ugovornog organa da je usluga izvršena.

Izvršilac je dužan uslugu pružati sukcesivno Ugovornom organu na osnovu dobivene narudžbenice, odnosno zaključenog ugovora i to po potpuno pruženoj usluzi iz narudžbenice ili ugovora.

Izvršilac se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.

Ugovorni organ će plaćati fakture za izvršenu uslugu u roku od 30 dana od njenog dostavljanja.

III – ROK, MJESTO I NAČIN ISPORUKE ROBE

Član 8.

Izvršilac se obavezuje da će pružati uslugu Ugovornom organu u skladu sa potrebama i narudžbama iskazanim u pismenom obliku, i to u roku od 5 dana od dana prijema pismene narudžbenice.

Izvršilac se obavezuje pružiti uslugu Ugovornom organu, propisanog kvaliteta, u traženim relacijama i u dogovoreno vrijeme.

Član 9.

Izvršilac se obavezuje da će pružanje usluge koja je predmet ovog Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravku propusta Izvršioca u smislu izvršene usluge.

Član 10.

Ovaj Okvirni sporazum se zaključuje do 31.10.2019. godine, a važi od dana zaključenja ugovora.

U slučaju eventualnih primjedbi Ugovornog organa na kvalitet usluga, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.

Odredbe ovog Okvirnog sporazuma ne mogu se mijenjati nakon njegovog zaključenja.

IV – UGOVORNE KAZNE I NAKNADA ŠTETE

Član 11.

Izvršilac će Ugovornom organu platiti penale po dnevnoj stopi od 1% za svaki dan zakašnjenja dovršetka usluge u odnosu na utvrđeni rok. Ukupni iznos penala ne može prekoračiti iznos od 10% od ukupne ugovorene usluge. Ugovorni organ može odbiti penale od isplate koje duguje Izvršiocu. Plaćanje penala ne utiče na ostale obaveze Izvršioca.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponudač nije mogao uticati niti ih predvidjeti.

Ukoliko Izvršilac na bilo koji način neuredno ispunjava svoje ugovorene obaveze, a naročito u pogledu kvaliteta i utvrđenih rokova, Ugovorni organ ima pravo raskida Okvirnog sporazuma i pravo da o trošku Izvršioca ustupi posao drugom Izvršiocu sa pravom naknade troškova uvođenja novog Izvršioca kao i pravo na naknadu mogućeg nastanka štete zbog neispunjenja ugovorene obaveze.

V – ZAVRŠNE ODREDBE

Član 12.

Ugovorne strane su saglasne da će eventualne sporove proizašle iz ovog Ugovora nastojati rješavati dogovorno u duhu dobrih poslovnih običaja, sporazumno, u pisanoj formi.

U slučaju da se spor ne može riješiti sporazumno, ugovorne strane će spor rješavati kod nadležnog suda.

Član 13.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 dana iz svih razloga propisanih Zakonom o obligacionim odnosima.

Član 14.

Ovaj Okvirni sporazum stupa na snagu danom potpisivanja obje ugovorne strane.

Član 15.

Ovaj Okvirni sporazum je sastavljen u 4 istovjetna primjerka, po 2 za svaku ugovornu stranu.

Izvršilac

DIREKTOR:

Mr. sci. Safudin Cengić

Broj: 11083/19

Datum: 15.02.2019

Ugovorni organ

MINISTRICA

Mr. Zineta Bogunić

Broj: 11/01-14-39402.9/18/19

Datum: 12.2.2019. godine

Zineta Bogunić